



№7 (8211)
19 ақпан
БЕЙСЕНБІ,
2026 ЖЫЛ



Жылыой аудандық қоғамдық-саяси газеті

Кен Жылоу

Газет 1933 жылы 4 қазаннан шыға бастады




www.facebook.com/kenzhylol
ken_jyloi_gazeti

* Имандылық

МЕЙІРІМ МЕН КЕШІРІМ АЙЫ

Қасиетті Рамазан айының келуі барлық мұсылман қауымы үшін рухани жаңару, мейірім мен кешірім айы болып саналады. Бұл кезде адамдар жаман әдеттен тыйылып, жүректерін жақсылыққа бұрып, Аллаға жақындай түсуге тырысады. Осы орайда аудан тұрғындарына Рамазанның мәні мен ерекшелігін түсіндіру үшін ауданның бас имамы Думан Мұратұлымен сұхбаттасқан едік.



© КОШЕЛЖІ АЙДАНЫП СӨЗШЕКОВА

5-БЕТ

Әрқайсымыздың
дауысымыз маңызды!

15 НАУРЫЗ
МАРТА
РЕФЕРЕНДУМ

Важен голос
каждого из нас!

www.election.gov.kz

«РЕФЕРЕНДУМ ТАҒАЙЫНДАЛҒАН КҮН ТУРАЛЫ»

2026 жылдың 15 наурызында Республикалық референдум өтеді. Референдумға қатысу құқығына 18 жасқа толған республика азаматтары ие болады. Референдум ерікті қатысу, еркін ерік білдіру, сондай-ақ азаматтардың жалпыға бірдей, тең, тікелей және жасырын дауыс беру қағидаттарына сай өтеді. Референдумда «Жобасы бұқаралық ақпарат құралдарында 2026 жылғы 12 ақпанда жарияланған Қазақстан Республикасының жаңа Конституциясын қабылдайсыз ба?» деген сауал қойылды. Әрқайсымыздың дауысымыз маңызды! Қазақстан Республикасының Орталық референдум комиссиясы

* Қысқы олимпиада



ШАЙДОРОВ ЖАЗҒАН ЖАҢА ТАРИХ

Италияда өтіп жатқан XXV қысқы Олимпиада ойындарында Қазақстан мәнгерлеп сырғанаудан тарихи жеңіске қол жеткізді. Милан мұз айдынында Михаил Шайдоров әлемнің ең мықтыларының артқа қалдырып, ел қоржынына тұңғыш алтын медаль салды.

Қазақстан Туы көкте желбіреді, Әнұран қайтадан шырқалып, ел жүрегі мақтанышқа толды. Қысқа бағдарлама қорытындысында Шайдоров 92,94 ұпай жинап, бесінші орында тұрды. Ал еркін бағдарламада қазақстандық спортшы төрешілердің шешімімен 198,64 ұпайға қол жеткізіп, жалпы есепте 291,58 ұпай жинады. Бұл бағдарламада ол бес бірдей төрттік секіруді сәтті орындады. Осы нәтижесінің арқасында Михаил Шайдоров жеңіс тұғырының биігіне көтеріліп, Олимпиаданың алтын медалін жеңіп алды. Екінші орынды жапониялық Юма Кагияма (280,06 ұпай) иеленді. Үздік үштіктегі тағы бір жапониялық спортшы Шун Сато (274,90 ұпай). Осылайша Қазақстан қысқы Олимпиада ойындары тарихында екінші алтын медалін жеңіп алды. Бұған дейін Қазақстан тарихында 1994 жылғы қысқы Олимпиада ойындарының алғашқы алтын жүлдегері, аңызға айналған шаңғышы Владимир Смирнов жеңіп алған болатын.

Жарыстың шешуші сәтінде Михаил Шайдоров мұз айдынын нағыз өнер сахнасына айналдырды. Италиялық Confessa әні мен «Бесінші элемент» фильміндегі Димаш Құдайбергennің вокалымен өрілген композиция аясында ол еркін бағдарламасын сеніммен, ерекше шабытпен орындады. Әрбір қимыл нақтылығымен, әр секіру биіктігімен көз сүйсіндірді. Спортшы толқуды толық өңсеріп, бес төрттік секіру элементін сәтті орындады, бұл мәнгерлеп сырғанау тарихындағы ең күрделі әрі ұпайлық құны жоғары элементтердің бірі болып саналады. Михаил Шайдоровтың жеңісі – Қазақстан спорттыңдағы елеулі тарихи оқиға және қысқы Олимпиададағы ұлттық дәстүрімізді жаңа белеске көтерген жетістік. Бұл жеңіс Қазақстанның қысқы спорттағы әлеуетін тағы бір мәрте дәлелдеп, ұлттық спорт тарихында жаңа белеске айналды.

А.АЛАШКЕР

* Мектепке дейінгі тәрбие

ДИАСТЫҢ ТОЛАҒАЙ ТАБЫСЫ

Ауданда ерекше қабілетімен көзге түсіп жүрген балалар аз емес. Солардың бірі - өнерімен көпшілікті тәнті еткен Диас Нұрлан. Төрт жастағы бүлдіршін республикалық онлайн форматта өткен ұлы ақын Абай оқулары байқауында I орынды иеленді. Қазіргі таңда ол «Әсем 2» бөбекжайында тәрбиеленуде.

Байқау барысында бүлдіршін өлең жолдарын мәнгерлеп оқып, көркемсөзге деген сүйіспеншілігін көрсете білген. Баласының жетістігіне қуанған анасы Жайдары Болатқызы бұл жеңістің артында үлкен ізденіс пен ұстазының еңбегі жатқанын атап өтті: - Баламның бойындағы дарынның байқау, оны шыңдап жүрген ұстазы Анар Оразбайқызына айтар алғысым шексіз. Ол әр баланың жүрегіне жол тауып, олардың өнерге деген құштарлығын оята біледі. Диас байқауда өзін сенімді ұстап, шығармашылық қабілетін толық көрсете алды. Бұл – ұстазының бағыт-бағдары мен сенімінің

нәтижесі,-дейді анасы.

Расында да бала жүрегіне жол табу – үлкен шеберлік. Тәрбиеші Анар Оразбайқызы бүлдіршіндердің әр жетістігі ортақ еңбектің, мейірім мен төзімнің жемісі екенін айтады:

- Балалар – біздің ең үлкен байлығымыз. Олардың әрбір жетістігі – өздерінің дарыны мен өнерге деген махаббаттың жемісі. Диастың жеңісі – ортақ еңбектің нәтижесі. Болашағынан зор үміт күтетміз,-дейді ұстаз.

Осындай жетістіктер балабақшаның мерейін арттырып, тәрбие мен білім берудегі жүйелі жұмысының жарқын көрінісі. Бүлдіршіндердің жетістігі



отбасы мен ұстаз арасындағы тығыз байланыстың, балаға деген мейірім мен сенімнің жемісі.

Кейіпкеріміздің арманы болашақта халықаралық деңгейдегі байрақты бәсекелерге қатысып, талантты мен табандылығының арқасында биік белестерді бағындыру. Ол тек жетістікке жетуді ғана емес, ел намысын абыроймен қорғап, көк Туымызды әлем ареналарында асқақтата желбіретуді мақсат тұтады.

А. МАХАМБЕТОВА

* Баспасөз - 2026

Кен Жылоу
газетіне 2026 жылға жазылу жалғасуда!

Индекс: 65583

- * Ауданға қатысты жаңалықтар
- * Векті мақалалар, сұхбаттар
- * Жарнамалар



Баламалы негізде: 10 айға -2880 тт. 6 айға -1440 тт. Пошта арқылы: 10 айға -4035,68 тт. 6 айға -2017, тт.

"Кен Жылоу" газетіне баламалы түрде төмендегі нөмір арқылы жазыла аласыз: 8-701 413 95 22